


d'Räppli



Fasnacht 2011

Liebi Lyt mir sin sotzial und zaige rächt vyyl Muet,
mir zwai nämme däa do mit, drotz syym Narre-Huet.
Däa Schwoob mit Name Rüdiger dien mir presentiere,
äär will sich jetzt voll und ganz – als Schwyzer integriere.

Ich bin der, der mit viel Mut das ganze Chaos leite tut.

Unsere Schwoob, das glaubsch jo nit, will ständig Kaffi suffice,
in syner Woonig bäargewyys Nespresso-Kapsle-Huffe.
Jede Daag duet äär mit Kaffi syyni Hut bestryche,
drotzdäm wird äär'sicher nie -- em Georgi Clooney glyyche.

Iir habt schön die Zähne gewetzt, aber die Hoffnung
stirbt zuletzt.

Quoniam tu sooolus sanctus Dominus,
mir loobe dii, mir priise dii, knackt hesch unsri Nuss.
Als Messias kunnsch zu uns und schützlich unsre Schatz,
oh Ueberflieger'dangg isch dir -- als Retter vo dr BAZ.

Grazias agimus tibi Moritz Sutter aaaamen.

Italie sii, do duets aim – grad Zeeche ummelitze,
e alte Glischtler mit vyyl Stutz hoggt deert an dr Spitze,
e Wolf im Schooffsbelz isch äär doch und zwar rächt e digge.
diemer doch dä'Berlusconi -- grad ins Wallis schigge.

Mir könnte ja im Wallis no versuche e Chalet für
d'Merkel z'buuche !

Falsches Spiil, Intrige, korrump und au nit fair,
liege, spotte, mobbe, fir Teamgaischt gar kai Flair.
Mir maine nit dr Blatter Sepp – mit sym Fifa-Gruus,
das sinn unsri'Ziggewyber -- z'Bäarn im Bundeshuus.

Da sag ich nix und bleib diskret, sonst nehme die
zwei mich ins Gebet !

Kopfwee, Hueschte, Schlyym im Hals, d'Naase isch ganz
root,
dr Blatter Sepp, froogd syy Doggter wies denn um iin stoot.
Däa maint drogge nur kai Angscht, s döönt e bitz Bizaar
mit Schlyymer do kenn ych mi uus -- s'isch nur e Kadaar.

Arsen, Strichnin und Valium, des haut dr
stärngschte Seppl um.

Deert am Basler Rössligumpe sotti d'Hingis springe,
doch iire Maa ka sone Laischtig laider nooni bringe.
Drum will d'Martina au nit koo, s'isch e bleedi Gryte,
wäär hyrootet denn scho ain – wo nit rächt ka rytte.

Do sagt s'Äffle zum Pferdle im Stall, Rindviecher
di trifftsch iiberall.

Basel isch e scheeni Stadt, was wird Zuekunft bringe,
doch d'Finanze die sin knabb, um Styrygälder mien mer
ringe.

Aarbedsloosi, Iiberfremdig drotzdäm sin mir froo,
d'Zukunft isch jetz gsicheret -- Mike Shiva isch bald doo.

De Kopfduuchindianer het e Macke, was der babbelt
isch nur Kacke.

Kauffsch e PC isch däa denn dehai e alti Kische,
s'Handy kasch noch finf Minute au scho uuse mischte.
Unsri Männer kennte mir scho längschtens komposchtiere,
wenn mir sii nit aimool im Joor – im Kielfach wurde g'friere.

Bei deene wird iich nit munter, da laufts mir kalt
de Rücke runter.

Dr Heiri het e'Häärzinfarggd, das het iim s'Lääbe gnoo,
äär haig im Spittel d'Rächnig fir dr Blinddarm iberkoo.
D'Maiere mit Gallestai, heersch hueschte und au fauche,
e granggi Bumpi haig si jetz – nur vom dusse rauche.

Wenn dii Huste tut, holt die Katz ihre Lunge raus
in einem Satz.

Do letschti uff em Tennisplatz, was gnyblet ain denn doo,
het e Stapel neyi Diechli deert mitlaufe loo.
Wi mir iin gschtoppst hän, stottered dä jungi nätti Maa,
ych bruuch die nur – dass ych dehai d'Zwilling wiggle kaa.

De Roger het ganz unverdrosse, e doppel Break
in d'Hoose gschoosse.

D'Implantat die sin verrutscht, und nimm vooorne am Ranze,
syt d'Brysch jetz am Rugge sin, will mi Maa go danze.
Am Schulterblatt kasch es gsee, wie si uuse raage,
sythär kann ich numme no – Kamelhoorbuly draage.

Auch ein netter Rücken kann entzücken.

Wottsch au by uns bänggle ?
Schigg doch aifach e Brief in unser Boschtfach
VSG Postfach 4365 4002 Basel
Oder goosch uff, www.vsg-basel.ch
